

## Wakita ge Zud ya àbèki ni

### Ere ye ti mädämki ka wakita ge Zud ya àbèki ni

Maslaṅa ya ti àbèki wakita hini ni ti àdafa slimi gayan a : nani Zud wur ga mənḡ ge Zek ni (1). Zud àdäm ma akada ga zal asak ga Yezu ya akal adäm ni do (17) ; naṅ wur ga mənḡ ge Zek ya àbèki wakita ge Zek ni : nday cüeni ti bæza ga mənḡ ga Yezu (Meciyu 13.55).

Àbiki ti ana ndam ga Yezu (1), ay ti àdafay slimi gatay ahkay do ni slimi ga kəsa gatay ni ndo. Àdäm akal awayay abiki wakita ana tay ti täsər ahəmamam Melefit àhənḡa tay a ni, ay abiki ana tay àki ka ndam ya tawayay magosay ndam ga Yezu ni (3-4). Àdäm ma ti akada ge Piyer ya àdäm ni (2 Piyer 2), awayay ti ndam ga Yezu tijikia ke divi a ba.

Ka mandav ga wakita ni Zud àzləbay Melefit (24-25). Ma gayan ya àzləbay Melefit àna naṅ ni ti ma sulumani, ndam ga Yezu dek tisliki magray tawi àna naṅ.

### Sa ge Zud

<sup>1</sup> Nu Zud nəbiki wakita hini ana küli, nu bay məgri tawi ana Yezu \*Krist, nu wur ga mənḡ ge Zek. Nəgri sa ana küli ya ti Bənḡ geli Melefit awayay küli, àzalay küli ti kīgum ndam gayan ni. Abi slimi ana küli ti kijum ba daya, adaba lekulum ndam ga Yezu Krist. <sup>2</sup> Melefit mājənaki küli, māgray ti \*kanjəhadumkabu àna sulumani, mawayavani gayan mələbu a məbəruf geküli bu ti. Zlam nday nani dek täsagakivu kəlavad ti.

### Ndam ya ti təcahi zlam magədavani ana mis ni

<sup>3</sup> Zləbəba goro, nəwaya dal-dal ga məbiki wakita ana küli ti kəsəruf ahəmamam Melefit àhənḡa leli a dek ni.

Ku tamal nàwaya nahkay nən̄gu ni, nəd̄əm ahàr àd̄əm si nəbiki ana kuli ga məvi njəda ana kuli ti kàkadumvu ti mis təmbrəŋ \*Ma Məweni Sulumani àki ka Yezu \*Krist ba. Ma Məweni Sulumani gani nani ti Melefit àvi ana ndam gayəŋ ga kaŋgayani, àmbatvu d̄ay-d̄ay do. <sup>4</sup> Nəd̄əm nahkay ti ad̄aba ndam ya ti təsər Melefit do ni təhurkiviya ke kuli akal-akal a, t̄agudarkaba \*sulum ge Melefit geli ya àgri ana leli na. Təd̄əm Melefit àvia barbaray ana leli a ga magudar zlam a. Tagray nahkay ti təmbrəŋa Bay geli Yezu Krist Bay məgur leli na. Pakama àki ka nday gani nani àvu məbəkiani a Wakita ge Melefit vu hasl-hasl : seriya aməgəs tay.

<sup>5</sup> Nawayay nəhəŋgri eri ana pakama ya ti kəsəruma àn-dava ni. Pakama gani nihi : ahaslani Melefit àhəŋgabiya ndam \*Izireyel a, àhəlababiya tay ka had̄ Ezip a. Kwa tamal àhəŋga tay a àndava nən̄gu ni, kələŋ gani àbazla mis ndahaŋ e kidiŋ gatay ba, àbazl ti nday ya təfəki ahàr ka naŋ ndo ni. <sup>6</sup> Dəgəzlumki ahàr ka \*məslər ge Melefit day. Ndaahaŋ e kidiŋ gatay bu nahəma, njəda ya Melefit àvi ana tay ni àhəci tay, t̄awaya àkiva, nahkay təmbrəŋbiya mələŋ ya ti Melefit àbiyu tay na. Azuhva nani ti Melefit àhəl tay, àwəl tay àna jejirbi, àbiyu tay a mələŋ ziŋ-zinəni vu ga kaŋgay-kaŋgayani, eminjivoru ana vad̄ ge Melefit ya ti amagrafəŋa seriya gəfad̄akani kè mis a d̄ek ni. <sup>7</sup> Dəgəzlumki ahàr ka kəsa \*Sodom, \*Gomor akaba kəsa ndahaŋ ya kà gəvay gatay ni daya. Ndam ga kəsa nday nani t̄agudara zlam a daya : t̄agra mesəwehva ; mandəhad̄kabani gatay ni ti Melefit àvi divi gani ana mis hihirikeni ndo. Nahkay Melefit àbiya tay a aku va ; aku gani nani ti àmət d̄ay-d̄ay do. Àgra nahkay ti awayay aziaba azay slimi ana mis a, ti t̄agray ere nani va ba.

<sup>8</sup> Ay ti ndam ya ti təhurkiviya ke kuli ni nday day tagray zlam magədavani akada nani. Təjalaki ahàr ka

zlam magudarani kəlavaf: təjalakia ahàr a ti tagudar zlam gani àki ka ahàr gatay eđefiŋ. Tamənjələŋ ka njəda ge Melefit ni akada zlam masakani, tindivi məslər gayan njəda-njəđani ya ti e melefit bu ni daya. <sup>9</sup> Misel ti naŋ gəđakani ga məslər ge Melefit. Ku naŋ tekeđi èndivi mis ndo. Ka sarta ya ti nday ata \*Seteni təgrakivu ke kisim ge Məwiz tekeđi, Misel ti aŋgwaz àwərfəŋa naŋ kè mindivi Seteni a. Àhi : « Melefit mâtɾaɓ kur » cilij. \* <sup>10</sup> Ay nday gani nani təđəmki ma magədavani ka zlam ya ti təsər ndo ni ni. Tagray zlam akada ga zlam ge gili ni, təjalaki ahàr do. Zlam ya ti tagray ni zlam masakani, emijij tay. <sup>11</sup> Nahkay atasay cicihi, adaba təvia vu gatay ana zlam magudarana akada ga \*Kayij ya ahaslani na. Təgra zlam magədavana ti təŋgət siŋgu akada ga \*Balam ya àgrabiyu ahaslani na. Ticiiki slimi ana Melefit ndo akada ga Kore † ya ti àgrabiyu ahaslani ni, tiji daya. <sup>12</sup> Ka ya ti nday təbu akaba kuli, kəzumumkabu đaf ni ti zlam magudar gatay ni abəki mimili ke kuli, adaba tənjələŋ ana misi zum, təjalaki ahàr ka vu gatay cilij, təsər mimili do. Nday akada ga maklađasl ya àtəđ avər do ni, aməđ apayakaba cilij. Nday akada ga məŋgəhaf ya ti sarta ge miwəni ènjia day tiwi bəza do ni. Akada nday məmətani àndava, nahkay Melefit àradaba tay a, təmət kivu. <sup>13</sup> Tənjəhad ka mələŋ bilijeni do, təsawadaj satat akada ga dəluy ya ti aməđ adadaj naŋ kwaŋa ni, nahkay zlam magudarani gatay ni akada ga muhunjuv ga yam ya ti kà gəvay ga dəluy, àbəlay do ni ; abəki mimili ka tay. Nday akada ga boŋgur ya ti atəđ ni, Melefit àslamatia mələŋ zij-zijeni ana tay a. Atanjəhadviyu eslini ga kaŋgay-kaŋgayani huya.

<sup>14</sup> \*Enok, naŋ wur huđ ga Adam ya muku, naŋ zal ya

\* 1:9 Pakama hini ti təđəmki ma a Wakita ge Melefit bu ndo.

† 1:11 Mənjay Macalani 16.1-35.

ti àsèra ere ye ti amagravu kama na, àzlapakibiya ka tay a daya, àdǎmbiya : « Nǎdǎm nahǎma, Melefit naŋ àbu ara akaba mǎslǎr gayanŋ njǎlatana kay dal-dal, tàcalvu do, <sup>15</sup> ara agrafǎŋa seriya kǎ mis ga duniya na ðek. Amǎgǎs nday ya ti tàwayay ma gayanŋ do ni ðek àna seriya, azuhva zlam magudarani gatay ya tǎgri ni ðek, akaba pakama magǎdavani ya tǎdǎmki ni ðek. » <sup>16</sup> Ma ga Enok ya àdǎm ni àdǎmki ti ka tay eðeðinŋ. Nday nani ti tǎzǎrdǎy ma kǎlavaf, tǎdǎm ere ye ti Melefit agri ana tay ni àbǎlay do ; tagray ere ye ti mǎbǎruv gatay awayay ni cilinŋ, tiji zlabay, tesipet mis ga mǎŋgǎtfǎŋa zlam kǎ tay a.

Zuđ avi njǎða ana ndam mǎfǎki ahàr ka Yezu

<sup>17</sup> Lekulum zlabǎba goro, nawayay kuli ; jalumki ahàr ka pakama ga ndam \*asak ga Bay geli Yezu \*Krist ya ti tǎhivabiyu ana kuli ahaslani, tǎdǎm amagravu ni. <sup>18</sup> Tǎhivabiya ana kuli a, tǎdǎm ahkado : « Wudaka duniya ara andav ni ti mis atara tǎbi seki ana kuli. Mis nday nani tǎsǎr Melefit do, tagray ere ye ti mǎbǎruv gatay awayay ni cilinŋ. » <sup>19</sup> Nihi ti mis nday nani tǎbu ticirkaba ndam mǎfǎki ahàr ka Yezu a. Tǎjalaki ahàr ka zlam ga duniya, \*Mǎsuf ge Melefit àniviyu ana tay a mǎbǎruv bu bi. <sup>20</sup> Lekulum zlabǎba goro, nawayay kuli ; zum njǎða gekuli ti kǎmǎlumvu, ti kǎnjǎhadum kǎlavaf àna \*Ma Mǎweni Sulumani ya kǎgǎsumkabu ni, kǎŋgǎtumkivu njǎða àna naŋ ti kǎgum njǎlata. Hǎŋgalum Melefit àna njǎða ga Mǎsuf gayanŋ kǎlavaf daya. <sup>21</sup> Melefit awayay kuli dal-dal : nahkay kǎmbrǎŋum mǎfǎki ahàr ka naŋ ba. Jǎgum sulum ga Bay geli Yezu Krist ya amara mǎgri ana leli ni : sulum gani nani ti sifa ya àndav ðay-ðay do ni.

<sup>22</sup> Ndam ya ti tǎjalaki ahàr cǎ cǎ ka ma ge Melefit ni tǎsi cicihi ana kuli. <sup>23</sup> Mis ndahaŋ e kidinŋ gatay bu ni ti, tamal tǎmbat majalay ahàr gatay do ni ti Melefit amǎgǎs tay àna

seriya, aməbiyu tay a aku vu. Nahkay həngumfəna tay kà aku na. Mis ndahaŋ e kidin̄ gatay bu ni ti ni təsi cicihi ana kəli daya, ay ti bumvu slimi ciliŋ, kəgudarum zlam akada gatay ni ba. Kawayum zlam magudarani gatay ni ba. Ku m̄ala azana ga vu gatay nəŋgu ni kin̄jəmfiŋ ba.

Zud azləbay Melefit

<sup>24</sup> Məgrumi səsi ana Melefit, adaba esliki məjəgay kəli, ti k̄jəmkiya ke divi gayaŋ a ba. Aməmbərfəna zlam magudarani gekəli ni kə kəli a, kigəm akada kəgudarum zlam dəy-dəy ndo, mək aməhəloru kəli ti k̄n̄jəhadum a bay gayaŋ bu, k̄pəm masladani gayaŋ àna məmərani dal-dal. <sup>25</sup> Məgrumi səsi ana Melefit, nəŋ bəlaŋ, nəŋ Bay mahəŋgay leli, àsləbiyu Yezu \*Krist Bay geli ga mahəŋgay leli. Mis dek t̄azləbay nəŋ, t̄ədam nəŋ gədakani, nəŋ Bay n̄jəda-n̄jədani, agur mis dek ti. Nəŋ àbu nahkay ka ya ti zlam dek ànjəki ni, nəŋ àbu nahkay kani, amələbu nahkay ga kaŋgay-kaŋgayani.

Aya nahkay.

## Ma Mweni Sulumani ge Melefit New Testament in Muyang

copyright © 2013 Wycliffe Bible Translators, Inc.

Language: Muyang

Translation by: Wycliffe Bible Translators

Contributor: Wycliffe Bible Translators, Inc.

### Copyright Information

© 2013, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Muyang

**© 2013, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

